



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De Conrado scholar, qui propter esum vnius pomi, auunculi sui gratia  
priuatus est, cap. 74

**urn:nbn:de:hbz:466:1-13177**

*De Gula*

**G**ula est solius corporis causa immoderatus & illecebrosus comedendi bibendique appetitus. Huius filiae sunt, immunditia, scurrilitas, inepta laetitia, multiloquium, hebetatio sensus circa intelligentiam. In gula sunt quinque gradus peccadi, primus est cibos pretiosos & delicatos exquirere, secundus curiosè preparare, tertius ante tempus sumere: quartus nimis audiē, quintus in nimia quantitate. Gula primus homo vinctus in paradyso succubuit: haec Esau primogenita surripuit: gula Sodomitas ad peccatum maximum incitauit; ipsa filios Israël in deserto prostravit; Adhuc escæ eorum erant in ore ipsorum, & ira Dei ascendit super eos. Iniquitas Sodomæ fuit saturitas panis & abundantia. Homo Dei, Abdo scilicet, mislus in Bethel, propter comeditionem à leone occiditur. Diues, qui epulabatur quotidie splendidè, in inferno sepelitur. Nabuzardan princeps coquorum, id est gula, Ierusalem destruit. Vides quanta sint pericula in illa? Accedant & testimonia; ait Salomon: Væ terra, cuius principes manè comedunt. Item: Omnis labor hominis in ore eius, sed anima eius non replebitur. Et in Euangelio Dominus: Videte ne corda vestra grauentur in crapula & ebrietate. Item Apostolus: Honestè ambulemus, non in comeditionibus, &c. Prima Christi tentatio à diabolo per gulam facta est: vnde Hieronymus dicit: In pugna Christi, prius agitur contra gulam ieiunando, per quam vinctus est primus homo. Quam valida & importuna sit nobis vitij huius tentatio, quibusdam recentiori tempore gestis pandam exemplis. Ordinem etiam, in quantum potero, nec non & modum supradictarum tentationum Adæ scilicet, Esau, & reliquorum, qui illic enumerati sunt, seruare studebo.

## CAPUT LXXIII.

*Gula tē-tatio quā tempor-tuna.* **C**oloniæ in maiori ecclesia Decanus quidam erat natione Suevus, vir diues, prudens, & honestus, in consilio Frederici Imperatoris satis acceptus. Hic cum in pomario suo pomum nouellam plantam

plantatam haberet, & iā flores in poma profecissent, præcepit omni familiæ suæ, sub interminatione gratiæ suæ, nec non & pœnæ, ne aliquis aliquod ex eisdem pomis, quæ pauca erant, ante maturitatem carperet, probare volens eius primitias. Cumque omnes præceptum illius custodirent, scholaris quidam nomine Conradus, cognatus eius, & per ipsum in ecclesia sancti Andreae in canonicum promotus, poma eadem videns & desiderans, patrui præceptum neglexit, vnum tantum, ut puto, de pomis tulit, & comedit. Quod cū Decanus intellexit, tanta ira & odio, exarsit in illum, ut dilectum ejiceret, nec ab aliquo posset induci, ut culpam ei ignosceret, & quem multum cogitauerat diuersis stipendijs ditare, ab illo die, in quantum potuit, depresso. Ego eundem Conradum bene noui, & erat Cantor præfatae ecclesiæ. Satis, ut vides, tentationis pueri huius pœna, concordat cum pœna Adam: ille propter pomum eiectus est de paradisi delicijs; iste de domo auunculi sui atque diuitijs. APOLLONIUS: Cū Adam in potestate haberet omnes fructus paradisi, mirum quod ab una se arbore continere non potuit. CÆSARIUS: Multi temere Adam iudicant de inobedientia, pomi vilitatem attendentes, & vim tentationis non considerantes, sicut subiecto probabitur exemplo.

## CAPVT LXXV.

**Q**uidam paterfamilias seruum habebat fidem & utilem, omnium rerum suarum dispē-  
satorem: contigit ut die quadam sermo esset  
de inobedientia Adæ inter eos de esu pomi cōtra præ-  
ceptū Domini; & seruus indignando illius incōstan-  
tiæ diceret: Ut raseam de Deo, si mihi tam districte  
aliquid à vobis præcipere retur, nunquam transgressor  
efficerer. Tacuit tunc Dominus, & post dies aliquot,  
cū ille minus sibi caueret, nec sermonem cōtra Adam  
prolatum in memoria haberet, pixidem ei clausam,  
sed non firmatam porrexit, dicens: Pixidem istam cu-  
stodiæ tuæ cōmendo, q̄ si aperueris illā, totius labo-  
ris mercede priuaberis, & gratia mea perpetuò care-  
bis. Hoc cū crebrius ej. inculcasset, & ille in conclavi

Adamū ob trās-  
gressiōnē temere  
indican-  
tes argu-  
untur.